

王雲五主編

景印鮑廬現藏罕傳善本叢刊

臺灣商務印書館發行

清初刊

一

曲

集

二

二曲集目錄

卷一

悔過自新說

卷二

學髓

卷三

兩庠彙語

卷四

靖江語要

卷五

錫山語要

卷六

傳心錄

卷七

體用全學

卷八

讀書次第

卷九

東行述

卷十

南行述

卷十一

東林書院會語

附應求錄

卷十二

匡時要務

卷十三

關中書院會約

目錄

卷十四

蓋屋答問

卷十五

富平答問

附授受紀要

卷十六

書一

卷十七

書二

卷十八

書三

卷十九

題跋 雜著

卷二十

傳

卷二十一

墓誌 行畧 墓碣 贊

卷二十二

觀感錄

卷二十三

襄城記異

卷二十四

義林記

卷二十五

李氏家傳

卷二十六

賢母祠記

二曲集卷十七

書

鄆縣門人王心敬據次

報鄆制臺

僕本庸謬無似明公不察誤採虛聲聘主關中書院
講席三辭不獲冒昧從事過承躬迎屢辱左顧僕非
木石寧不知感所以不敢一詣憲轅謁謝者實以生
平安邱壑之分未嘗投足公門今若一旦破例有負
特達之深知翻辱闡幽之盛舉則其爲罪大矣肅此

鳴謝伏惟鑒原

報阿撫臺

報三司道府兩縣同

屢辱枉顧惶愧殊甚僕庶人也庶人無入公門之禮
倘不以禮自處明公亦何取於僕耶是以逡巡不敢
報謁賢如執事必蒙鑒原

答阿撫臺

承餽金數鑑惠恤良至僕壁謝再四非敢矯情實以
辭受一節乃人生操履所關若隨來隨受則生平操
地矣且明公加意於僕者以僕能安貧也安貧而受

金則僕之安貧何在以故不避方命之嫌仍用返璧
萬惟垂察是幸

上鄂制臺

明公以國家太平之業必先於正人心故思得碩
儒以振起斯民而又急無其人不得不禮從隗始誠
吾道之中興而生民之大幸也顧僕實非其人適以
重爲斯文之辱前者三辭不獲覲顏應召兩赴書院
言無可聽行無可取中夜自思旣負明公下問之誠
兼愧朋友琢磨之益方欲束身告退肆力耕耘忽聞

愚賤之名上塵 睿覽驚覓欲墜俯仰難安自拜辭
抵家卽染寒疾歷久不痊遂至右足不仁艱於步履
夫薦賢者 國家之大典豈容以廢疾之人濫膺宸
命哉况今接對賓客皆倚杖而行猶或顛躓其必不
能舞蹈丹墀也不待問而可知矣伏乞明公格外施
仁代爲題覆使病廢之人得以終安獻畝則始之終
之其恩皆出於明公矣若以前疏旣上後難復請是
甚不然歷觀前代盛時凡徵辟不就者皆傳爲美談
而誦薦舉者之知人其有出就一職名實俱喪者往

往取笑於當時貽譏於後世此前事之已驗然則明
公今日卒傳爲美談乎抑爲人譏笑乎二者當知所
擇矣

又

前書已揭愚衷而憲臺未察又蒙鈞諭下願僕撫心
自思實非敢以退讓爲高而拂憲臺爲國家起賢
之至意也夫事當權其輕重而慮其始終僕今日者
廢疾家居負朝廷旁求之意其罪猶小異日者名
喪實忘使天下咎憲臺無知人之明且爲國典之

辱其罪甚大不自知耻應召而行始之也甚易以
身事主無忝所學終之也甚難故僕寧擇其輕而
不敢爲其易也在憲臺之意以爲僕雖不能有益於
國家亦不至有負於大典而以僕計之則甚不然
竊觀古人學真行實尚受謗於當時往往困辱其身
况僕草野愚蒙本無學術卽使之應對殿廷亦且言
無倫次群起而非之殆不可以屈指計矣僕固不足
惜獨是憲臺明無不照而爲僕一人所累致有不知
人之譏則雖擢僕之髮又烏足以贖其罪哉此僕之

所以擇其輕而辭其重圖其始而卽慮其終非特爲
僕一身之計實所以爲憲臺計爲國家計者至悉
而無以加也如猶不獲所請卽當以死繼之斷不敢
惜此餘生以爲大典之辱也存沒之誠言盡於此

辭徵

顯少失學問無他技能徒抱臯魚之至痛敢希和靖
之高踪不虞聲聞過情上徹宸聰部檄地方起送
蓋曠典也顯何人斯敢辱斯典若謬不自揆冒昧奔
趨是借終南作捷徑可鄙孰甚有士如此朝廷亦

安用之况爾近因汗後中濕宿疾頓發左足麻木不能步履豈堪遠涉長途趨走拜舞對揚丹陛也伏望矜鑒特爲轉達曲成石隱使爾不至狼狽道途自速其斃佩德頌仁於無窮矣

又

竊惟朝廷之所以崇幽隱嘉恬退者原藉以砥礪俗息奔競也假令爾康健無恙猶當仰體朝廷美意益堅素守終其身萬萬不敢出戶一步以成朝廷激勵廉耻保全石隱之盛德矧爾中年蚤衰宿病

時發輕則連旬重則彌月近又左足不仁不能動履
若使狼狽長途性命必且難保辱盛典而貽口實非
所以昭示天下後世也歷觀前代隱逸凡屢徵不起
咸賴當事爲之善言題覆今大憲慷慨倜儻樂成人
美殘疾如顒必在所矜憫伏望始終玉成曲垂保全
錄顒前後辭牘據以達部免致荐頒敦促之命益重
至再違戾之罪顒刻骨銘心終身不敢忘施也

又

顒前曾兩次陳情意謂業已達部矣乃猶未蒙矜鑒

督促愈嚴惶悚踴躍莫知所措詔外雖有虛名內原
無實學千破萬綻素鮮寸善是以審已量力死不敢
謬膺盛典以傷朝廷知人之明重以迭遭多病呻吟
床褥夢幻泡影之身諒亦非久緣是百念俱灰毫
無身外之想又安能以奄奄待盡之息出逐風塵之
苦自速其斃耶伏望特垂洪造曲賜保全備錄詔前
後辭牘據以達部庶部中知地方督促之殷區區辭
謝之堅得以據情具題誤恩不至再降詔也不材敢
忘保全之仁